



• SERMONES S. ELEUTHERII.

SERMO, SEU CONFESSIO DE SS. TRINITATE.

Dilectissimi, Dominum omnium Christum Jesum
conscientes, sanctamque Trinitatem unitate venerantes, ipsi soli subjecti estote, Deum immortalem timentes, cui est honor in secula sempiterna. *Trinitas sancta Deus, unus Deus siquidem Pater Verbi viventis, perfectus perfecti genitor est, qui neque ab aliquo, initium habuit, neque in aliquo finem continebit. Qui enim ratione Pater ingenitus filii unigeniti ab alio esse haberet, qui et erat, et est. Unicus autem Filius Dei ex uno Patre Deo nasci voluit, qui est sapientia Patris, per quem omnia creata sunt quae existant, quae florent, quae floruerunt : quae nascentur, quae peribunt. Filius verus de Patre vero, aeternus de aeterno, immortalis de immortali, incorruptibilis de incorruptibili, invisibilis de invisibili, et unus Spiritus sanctus, in quo permanet perfecta vita credentium, in quo sanctitas et sanctitatis fons et ministrator verae edificationis : per quem Deus in omnes credentes et super omnes, et Filius, qui per omnes. Namvis vero Pater a nullo esse habeat, Filiusque ab ipso oriri obtineat, et Spiritus sanctus ab utroque procedat, non tamen hi tres dii sunt, sed unus et ve-*

*A*rus Deus, cuius Trinitas in personis veneranda est, unitas in substantia adoranda est. Trinitas perfecta gloria, regnum sempiternum, regnum perenne et individuum. Nunquam enim defuit filius Patri, aut filio Spiritus. S. Pater aequalis Filio unigenito : Filius par Patri ingenito secundum potentiam divinitatis : minor autem in susceptione nostre humanitatis Spiritus quoque sanctus non minor Patre et Filio, sed coeternus consolator inercentium, fortitudo fragilium, septiformis, sempiternus et gratiae largitor subillimus. Filius verus vera imago paternae lucis, et verus splendor internae claritatis, volens omnes homines ad agnitionem sui nominis pervenire, propter salutem eorum et peccatorum ablutionem de coelestibus ad terrena descendit. Incarnatus est, homo factus est, passus est, deinde factus obediens usque ad mortem. De cuius obedientia Paulus apostolus attestatur, dicens : *Cum esset Filius Dei didicit ex his quae passus est obedientiam : et consummatus factus est omnibus obtemperantibus sibi causa salutis aeternae, appellatus pontifex a Deo secundum ordinem Melchisedech. Idem etiam Christus die tertia a mortuis resurrexit, deinde in caelos, unde*

descenderat, ascendit, et captivitatem nostram admirabilis virtute sua duxit captivam. Omnes igitur catholice fidei servientes credant illum inde venturum, et mortuos et vivos judicaturum. Illos autem qui Christum convertibilem vel commutabilem asserunt sancta et catholica anathematizare debet Ecclesia. Igitur homo factus, id est carpe de sancta Virgine Maria suscipiens, quamvis factus sit in assumptione carnis et sanguinis, tamen id quod erat, Deus natura scilicet et veritate persistens. Nec carnem dicite in deitatis naturam esse conversam; nec in substantiam carnis inseparabilem Dei verbi essentiam commutatam. Inseparabilis enim, et incommutabilis, et inconvertibilis est, idemque secundum Scripturas permanet Dominus omnipotens, qui est benedictus in saeculorum saecula. Non potest esse major, non potest esse minor; non magnitudine terminari, non tempore comprehendi. Quod enim celeste est, vel divinum, est sine quantitate, et sine mole cognoscitur: neque ullis terminis continetur. Verbum Dei secundum subsistentiam constemini, unum adorate Filium et Dominum nostrum Iesum Christum, non determinate, nec seorsum ponite Deum et hominem, velut invicem sibi dignitatis et auctoritatis unitate conjunctum; nec Christum specialiter nomine Deum verbum, quod ex Deo est, nec alium similiter Christum specialiter qui de muliere natus est. Unum autem tantum Christum Dei Patris verbum cum propria carne cognoscite, veneremini, adorate. Unus enim est Christus Filius et Deus, non velut quelibet conjunctio habeatur in unitate dignitatis et auctoritatis hominis ac Dei. Numquidnam potest natura unire sola dignitatis aequalitas? absit. Pastor etenim dominici gregis Petrus, et virgo electus Joannes evangelista et apostolus, ad alterutrum aequalis sunt dignitatis: propter quod Christi discipuli et veritatis testes idonei vocantur. Horum tamen uterque non unus est. Vos ergo, filii mei charissimi, neque Deum aut Domum, Christi verum, Dei Patris asserite; ne iterum apertius in duos dividatis unum Christum et Dominum, et in sacrilegii crimen incidatis. Deum illi seipsum facientes et Dominum. Unitus quidem, sicuti diximus, Deus Verbum carni secundum subsistentiam. Deus quidem est omnium dominator, universitatis creator omnium, et pretiosissimo sanguine suo redemptor hominum. Evidenter autem denegat unitatem, qui dividit in duos Christos eum qui unus est: ille apostata est, et vere infelix, vere perpetuo cruciatui subjiciendus. Illi diabolus et angeli ejus in rapinam consurgunt, illi maligni spiritus in receptionem animae occurront: tormenta illi innumerabilia proparantur, et mala, quae in vita sua egerat, oculis ejus proponuntur. Igitur, ne in haec terribilia loca deveniatis, constemini quod unus intelligatur Jesus Christus Filius Dei unigenitus, una servitum cum propria carne venerandus. Conlitemini pura mente, laudate perfecto corde, glorificate benigno ore, qui ex Deo Patre natus est Filius unigenitus Deus. Quamvis juxta naturam suam expers passionis extiterit, pro nobis tamen secundum

A Scripturas carne perpessus est; et erat in crucifixio corpore propriæ carnis impossibiliter ad se referere passionem. Gratia autem Dei pro omnibus hominibus mortem gustavit, tradens etiam proprium corpus, quanvis naturaliter ipse sit vita et resurrectio mortuorum. Nam ut mortem ineffabili potentia, et admirabili virtute sua, et inestimabili magnificencia procuraret, et prius in carno sua primogenitus ex mortuis fieret, et primitiæ dormientium, viamque sacerdotum humanæ nature ad incorruptionis recursum, gratia Dei pro omnibus, ut dictum est mortem gustavit, et tertia die resurgens sævissimas fauces inferni expulavit. Et ideo, licet dicatur quod per hominem facta est resurrectio mortuorum, tamen intelligere debetis hominem factum, verbum quod ex Deo est, et per eum mortis imperium esse destructum. Ut autem Scriptura attestatur, *Veniet novissimus temporibus unus Filius et Dominus in gloria Patri, ut judicet omnem in æquitate.* Necessarium quoque est ut creditis incarnationem Domini nostri Iesu Christi, nativitatem, circuncisionem, apparitionem, Evangelia, passionem, mortem, resurrectionem, et in celos ascensionem. Hæc est enim fides recta. Sed quoniam Deum carne unitum juxta subsistentiam virgo concepit, virgo peperit, idcirco eam Christi genitricem profitemini: non quod verbi natura existendi principium de carne sortita sit. *Erat enim in principio Verbum, et Verbum erat apud Deum, et Deus erat Verbum:* et ipse est conditor saeculorum, Pater universitatis. *Tres quidem sunt qui testimonium dant in caelo, Pater, Verbum et Spiritus sanctus:* hi tres unum sunt. Igitur omnium creatorem unum in substantia, Trinitatem in personis completemini, ut ad ecclesias gaudia pervenire mereamini, ubi florent merita sanctorum, quorum gaudium et exultatio non desinet usque in sempiternum, regnante Domino nostro Iesu Christo, eum Patre coetero, cooperante gratia Spiritus sancti, cui sit laus, imperium, per omnia secula saeculorum. Amen.

TRANSITUS S. ELEUTHERI. EPISCOPI.

In illis temporibus dum beatus Eleutherius Tornacensis Ecclesiæ pontifex præcesset secundus, litigatio magna inter Tornacenses clericos exorta est. Qui-dam enim heretici quasdam propriæ heresos novitates proferebant, et predicationem veritatis destruere conabantur, audentes mysterium divinæ dispensationis corrumpere, et negantes paronymphum coelestem partum virginis nuntiasse. Alii autem heretici confusionem inducentes, et unam carnis et deitatis naturam esse male componentes, divulgabant tali confusione divinam naturam unigeniti passibilem, et purum hominem esse qui de beatissima virgine Maria natus est, impudenter asserebant. Alii vero Spiritui sancto adversabantur. Alii autem Deo devoti et servientes, credebant veritati, non obedientes falsitati. Tanta autem litigatio inter illos erat, ut etiam heretici catholicos Ecclesiæ Tornacensis filios invaderent, et in fluvio qui dicitur Scalda multos obturcato submergerent. Eodem tempore beatus Tornacensis Ecclesiæ antistes Romanum ierat, et secum ca-

put Mariae Aegyptiacæ asportaverat. Ipsum enim ab Ecclesia Romana beati Petri apostoli occulæ accepit, et in Ecclesia Christi genitricis Marie detulit. Hoc modo igitur vir Dei a Roma regressus cum magna exultatione universi populi suscipitur. Exsultant clerici, et dalmaticis induiti, beato pastori suo obviae procedunt, sed ex improviso gaudium omnium genuitatur. Ipse enim pontifex reliquias beatæ Marie, quæ tot et tanta mala sustinuit, afferebat. Cum autem Nerviam portam intraret in eodem loco miraculum magnum a Deo manifestatum est. Ocurrentibus enim populis gaudentibus, similiter clericorum agminibus, palliatus, beatus antistes consendens montem, qui dicebatur Mons thesauri absconditi; nunc autem dicitur Mons S. Andreæ, reliquias sanctæ Marie Aegyptiacæ, et Humerum beati Stephani protomartyris omni populo ostendit. Subito autem circa reliquias capitis sanctæ Mariæ quedam claritas de cœlo adveniens apparuit: quæ etiam ab omnibus visa est, donec intraret ecclesiam Christi genitricis. Super Humerum autem beati Stephani, lucidior claritas in modum circuli quasi argentei visa est. Cum vero ecclesiam totius populi vallatus caterva intraret, quatuor viri, duæ mulieres magna infirmitate periclitabantur, quæ vocatur *ignis gehennæ*. Tunc vir Dei pectore motus, caput ante mulieres, humerum autem ante viros posuit, dicens: *Oremus omnes*. Proculbentibus autem et orantibus illis ait: *Sancte Stephane protomartyr, succurre his hominibus: Sancta Maria miserere hujus seminei sexus*. Non enim profecto surgenus ab oratione, donec sani efficientur. Ad hanc vocem omnes liberati sunt. Caro autem, quam in ipsa infirmitate perdidérant, restituta est in ipsa hora. Mutus quoque assistens locutus est, dicens: *Ecce reliquæ beati Stephani et sanctæ Mariæ*. Tunc omnes obstupefacti admirabantur. Illis temporibus relatae sanctorum nec in auro vel argento ponebantur. Hæc acta sunt nonis Octobris. Beatus siquidem Eleutherius jam Tornacensem Ecclesiam tringinta annis et uno rexerat, Blandinensem vero novem. Qui audiens filios Ecclesiæ perturbatos indoluit. Deinde auctoritate Romani papæ decrevit, quatenus omnes heretici ab ipsa civitate ejicerentur, ut Christum Dei Patris Filium unanimiter confiterentur. Igitur a præsule coacti, diem competentem elegerunt, in qua synodus suam antistes Christi Eleutherius convocaret. Advenit dies in quo synodus convocata erat, adveniunt etiam filii catholici, hereticorum sectam confundentes, adfuerunt et nonnulli hereticorum illis contradicentes. Exsurgens autem sanctus vir Dei Eleutherius, et manu faciens silentium ait: *Omnis Dominum Patrem et Filium ejus, cum Spiritu sancto confitentes audite*.

SERMO DE TRINITATE.

Credite in unum Deum, Patrem omnipotentem, et in Filium ejus unicum Dominum nostrum Jesum Christum, qui ex Deo Patre natus est Filius unigenitus, immensus de immenso, immortalis de immortali, invisibilis de invisibili, sempiternus de sempiternis.

A terno, per quem et cum quo omnia que continentur in cœlo, vel in terra, aut in mari fecit Pater. Hoc ergo vos, dilectissimi, credite Dominum nostrum Jesum Christum propter salutem hominum et sæculi liberationem de cœlis descendisse, incarnatum, et hominem esse passum sub Pilato præside. Præterea die tertia a mortuis resurrexisse, et iterum in cœlos, unde descederat, ascendisse. Hæc decreta, filii mei charissimi, tenere et observare debetis. His vos devote oportet obtemperare, si gaudia vultis promereri cœlestia. His dogmatibus et decretis antiquorum Patrum obedite, considerantes et lucidissime intuentes quid sit incarnatum esse, et hominem factum Dei verbum. Vos enim asserere non debetis, quod natura Dei immutata sit, sed magis quod copulaverit sibi anima rationabili carnem animatam, Christusque Dei Filius irreprehensibiliter, ineffabiliter, substantialiter homo factus sit, et filius hominis etiam sit appellatus. Itaque Christus Jesus qui ante omnia secunda ex aeterno Patre natus est, etiam ex muliere, id est beata Virgine Maria carnaliter procreatus est, non quod cœlestis ipsius natura de sancta Virgine sumpsert exordium, nec propter seipsum necesse habuit nasci secundo, post illam gloriosam nativitatem quam habuit ex Patre. Non enim est competens, sed magis stultum affirmare quod Jesus Christus Dominus noster, qui ante omnia secula est coeternus Patri, post generationem Patris alterius indigerit, ut per illam quam in virgine assumpsit, esse inciperet. Sancta autem catholica universalis Ecclesia affirmet et credat, quod propter salutem hominum et peccatorum ablutionem sibi naturam copulaverit humanam; et processerit ex utero virginali, utero impolluto, sed ab angelis dignissime cœlestibus conservato. Ideo asserunt illum catholicæ Patres, et nos auctoritate majorum carnaliter esse natum. Qui benignus et misericors omnes volens ad semitam deitatis convertere, ex ipso virginali et incontaminato utero, ut supra dictum est, secum conjunxit carnem, et generationem sustinuit carnalem, suæ carnis suam faciens nativitatem. Deinde credit ipsum crucifixum esse, et tertia die a mortuis resurrexisse: non quia Deus Verbum in sua natura sub Pilato præside sit colaphis cæsus, deinde patibulo crucis affixus, aut quia pro nobis transfixiones lanceæ atque clavorum, et tanta vulnera sustinuerit (Deus namque incorporalis et extra passionem est), sed quia corpus illud, quod proprium factum est ipsius hæc pro nobis sustinuit. Hæc omnia idcirco dicuntur pro omibus hominibus ad peccatorum redemptionem passus esse. In eo etenim corpore quod patiebatur, inerat Deus, qui nullo modo pati poterat. Similiter mortem ipsius intelligere debetis. Naturaliter enim incorruptibile est et immortale vivificans Dei verbum. Sed quoniam gratia Dei, proprium corpus ipsius, juxta sententiam doctoris gentium Pauli, mortem guttavit, ideo dicitur Deus pro nobis mortem esse passus, non quia mortem ipse expertus fuisset, quantum ad naturam ipsius pertinet (idoneum siquidem non esset, sed ineptum asserere

hoc), sed quod, ut superius diximus, vera caro ipsius mortem gustaverit. Ita carne ipsius resurgentे iterum resurrectionem asserite, non quia in corruptionem cecidit, sed quod ejusdem, corpus surrexit. Itaque, dilectissimi, deprecor fraternitatē vestram quatenus Deum verum, et Filium ejus Iesum Christum Dominum nostrum devote veneremini, adorate benigno corde, laudate pura mente, confitemini lacrymosis suspiriis, non sicut hominem eum verbo glorificantēs, ne inducatis quādam speciem divisionis, sed unum et eundem honorate : quia non est corpus suum (cum quo etiam ipse assidet Patri) a Verbo alienum. Nec etiam debetis contestari, quasi assidentibus duobus filiis, sed uno cum carne per unitatem. Praeterea fides vestra credere debet quod Christus Dominus noster mediator Dei et hominum factus est, et reconciliator ad pacem Deo Patri pro nobis, offensos se in odorem suavitatis. Ideo enim dicitur per prophetam : *Sacrificium et oblationem nolui; holocausta pro peccato non tibi placuerunt, corpus autem perfecisti mihi. In capite scriptum est de me, ut faciem voluntatem tuam, Deus.* Proprium enim corpus non pro se ipso obtulit, sed pro nobis in odorem suavitatis. Fratres mei, quis vestrū ultra dubitet, agnum verum et iumaculatum pro salute humani generis immolatum, et ab impiis Iudeis crucifixum? Ipse est, qui nos per admirabilem virtutem et ineffabilem potentiam divinitatis suę redemit, rebellesque et superbos Iudeos devicit, et claustra gehennæ expoliavit, educens de vinculis captivatos, emittens de tenebrarum locis carceratos, clamantes et dicentes :

O triumphator bone saeculi, o pie debellator diabolice fraudis, te nostra, clementissime Jesu, in his tormentorum pœnis exspectabant lamenta, te, misericors Christe, flebilium in caliginosis locis conclamabant suspiria. Ecce advenisti quem ab antiquis temporibus exspectavimus. Libera nos quem in terra positi olim devote coluimus. Ipse est qui post destructionem diaboli, et liberationem sanctorum de tenebris clamantium die tertia resurrexit, et ascendens in regnum coeleste sedet ad dextram Dei Patris. Ipse est Filius Mariæ, quæ virgo de Spiritu sancto concepit, quæ in virginitate illibata Deum et hominem peperit, quæ etiam post partum Virgo et Mater Salvatoris permanuit. Qui se, ut supra dictum est, hostiam immaculatam, hostiam Deo Patri placentem obtulit. Si quis autem dixerit, quia tam pro se ipso, quam pro nobis sacrificium se Deo obtulerit, non extreum effugiet supplicium, sed poenas in interitu cum impiis dabit æternas. De Spiritu quoque sancto, cum discipulis suis diceret : *Ille me clarificabit, hoc, filii, sentientes unum Christum et Filium, non velut alterius gloria gentem, confitemini gloriam a Spiritu sancto consecutum : quia ejusdem Spiritus me superior, me melior ipso est.* Licit vero in substantia sua Spiritus ejus sit, et intelligatur in persona proprietas, secundum id quod Spiritus ejus est, et Filius, tamen ab illo non est alienus. Appellatus enim est Spiritus veritatis, et veritas Christus est. Igitur a Filio similiter, sicut a Patre

A Spiritus sanctus procedit. Spiritus enim sanctus miracula per manus sanctorum apostolorum faciens, Deum glorificabat Iesum Christum, postquam per gloriosam resurrectionem suam in cœlum (unde pro liberatione animarum nostrarum descendebat) ascendit : ideo a nobis et nonnullis catholicis viris Christus creditur Deus natura existens, per Spiritum suum virtutes et gloriosa miracula gentibus per universum orbem dispersis demonstrans. Inde dicebat Dominus noster Jesus Christus, *quia de meo accipiet, et annuntiabit robis.* Sed nequaquam idem Spiritus sanctus alterius participatione potens aut sapiens dicitur, quia perfectus est per omnia et in omnibus, et nullo penitus indigens bono. Nam paternæ virtutis et sapientiae coelestis, id est Filii, Spiritus sanctus creditur, et idcirco ipsa re et virtute subsistente virtus et sapientia comprobatur. Dilectissimi fratres, hæc est fides recta, et omnibus catholicis viris tenenda, quam nisi quisque firmiter et recte crediderit, non poterit a consortio diaboli liberari. Unum in substantia, trinum in personis confiteamini, ut ad coeleste regnum pervenire et æternis bonis perenniter gaudere mereamini ; ubi gaudent angeli, letantur apostoli, exultat martyrum turba gloriosa, plaudit confessorum et virginum caterva, quos Redemptor mundi perenni laurea coronat, qui vivit et regnat Deus, omnipotens, invisibilis, æternus, incorruptibilis, cui est honor, laus, decus et imperium, potestas indeficiens, majestas immarcescibilis, gloria perpes et virtus ineffabilis cum Patre et Spiritu sancto per infinita sæculorum. Amen.

B Si quis autem his decretis contradixerit a Patre, et Filio, et Spiritu sancto, anathema sit. His dictis beatus pontifex Eleutherus sedit. Catholici autem viri qui ad sanctam synodum convocati erant, vocem cum gaudio levantes glorificabant Deum, dicentes : Trinitatem in unitate veneramus et colimus, unitatem in substantia profitemur, et devote adoramus, econtra confundantur haeretici, deinde a sacra synodo recessunt confusi. Synodo autem ad propria revertente, sanctus similiter Eleutherius ad aulam suam, quæ in oppidano loco continebatur, cum catholicis viris jam septuaginta et uno existens anno regressus est. Interea per quinque annos Tornacensis Ecclesia, quibus sacerdos supervixit invictissimus, D a catholicis viris sublinnatur. Interim autem haereticorum pars confunditur. Quid facerent? Consilium inierunt, quid de illo fieret exquisierunt, et dicebant : Si ita prævaluerit apud nos, vita nostra contemnetur; si autem prævaluerimus, victoriam laudis adepti erimus. Sic illis in una dierum colloquentibus, ecce beatus pontifex, cum Athanasio diacono et Audoeno fideli discipulo ab ecclesia beatæ Mariæ Tornacensis egrediebatur; quem videntes haeretici post angulum occultati (multis enim modis insidiabantur ei) dicebant : Ecce destructor legis nostræ, venite occidanus eum. Igitur fustibus arrectis duriter ceciderunt eum, et relicto semivivo ante ecclesiam, plagiis impositis occulte abierunt. Discipuli similiter, relicto pastore

suo, fugerunt. Quod audiens Censorinus Cæsar, omnes patibulo crucis afflixisset, nisi oratio viri Dei prævaluisset: fit per urbem tumultus populi, clamant juvenes, lugent matronæ, et virgines cinere asperguntur, senes præsulem semivivum videre certantes, ipse autem exanimis jacebat, et a sancto ejusdem capite, et ut ab utroque latere sanguis emanabat. Tunc a civibus urbis parato, ut ipse rogaverat, stratus cilicino, intra domum suam delatus est: qui quinque postea vivens per hebdomadas, in ipsa infirmitate cœcum illuminavit, et nonnullos infirmos curavit. Igitur finis dierum beatissimi Eleutherii appropiavit, fratres suos et veræ religionis cultores advocavit, et palam corpus et sanguinem Christi percepit, se eadem hebdomada e carcere corporeo transmigraturum prædixit. Quid facerent? Patrem suum coelestia desiderare videbant, ipsumque jam deserere Christianos deslebant, quos blonde allocutus ipse ait: *Finem universæ carnis ingressurus, a Domino promissa mihi gaudia æterna percepturus, hortor vos, charissimi, odio fugite, concordiam seminate, schismata dissipate, virtutem exsequamini, mala temporanea pro judice vestro patiamini, quatenus dignum pænitentia fructum Christi exhibere mereamini. Omnis etenim homo senum, caro autem ejus ut stipula agri. In matutino virens florescit, in respere arida labitur et vilescit. Patientes estote, casti permanete, Dominum timete, in omnibus bonis perseverate.* Audistis enim David dicentem: *Homo vanitati similis factus est. Itaque pulvis sumus, in iudicio resurgemus ante tribunal Christi, teste Scriptura, omnes astabimus.* His dictis, tanta claritas oppidanum locum, in quo natus erat, affulsit, ut omnes qui ad exequias tanti Patris venerant facti quasi in excessu mentis spiritum ejus ab angelo elevari in nube viderent, et cum claritate nubis cœlos penetrare, et claritatem cum ipso volantem, nullatenus apparere. Sic unda sacri sanguinis perfusa verus martyr et confessor in pace abiit. Pridie kalendas Julii.

Hæc acta sunt ab hereticis septimo calendarum Junii et in ipso anno beatus Eleutherius obdormivit in pace, regnante Domino nostro Jesu Christo, cui est honor et potestas per omnia secula seculorum. Amen.

SERMO DE INCARNATIONE DOMINI.

Paterna auctoritas fraternalm charitatem cohortatur ut credat, et ut a malis cesset clementer expostulat. Clamamus, nemo mortalis obaudit. Christum invocamus, Christus cœlestis exaudit. Verumtamen infideles fideliter audiant, insipientes sapienter intelligent. Credimus Deum Patrem omnipotentem, visibilium et invisibilium creatorem. Adoramus Christum perfectum perfecti filium. Veneramur Paraclitum ab utroque procedentem Spiritum. Quemadmodum Pater absque initio est, sic etiam Filius, cujus Pater Deus est, sine principio permanet. Unigenitus eum ab ingenuo descendens, semper Deus fuit, qui semper filius, cujus Patrem Deum esse constemur, permanuit. Antequam mundus fieret Verbum Pater ha-

buit, sapientiam obtinuit, et virtutem non amisit. Verbum perhibent Patres catholici Dei fortitudinem, Dei sapientiam, quam semper fuisse non dubitamus. Ut autem certius ab initio ipsam fuisse sapientiam credamus, quid dicat aperte, audiamus: *Ego ex ore Altissimi exivi. Cum enim Altissimus firmamentum stabiliret, firmaret terram, et sons aquæ de profundo abyssi erumperet, ego in altissimis cum Patre eram, cum ipso omnia disponens.* Et iterum dicitur: *Omnis sapientia a Domino Deo est, et cum ipso fuit semper, et est ante ævum.* Ut etiam ipse Pater ostenderet ab initio Verbum fuisse, apertius pronuntiat dicens: *Eructavit cor meum Verbum bonum* (Psal. XLIV, 1). Credimus illum sic esse Deum, ut Pater semper permaneat: quoniam Verbum, Sapientia et Fortitudo eius est Filius. Siquidem de partu Mariae Virginis prophetæ sunt præconiati. De nativitate enim Christi Isaïas propheta perhibet, dicens: *Ecce virgo in utero concipiet, et pariet filium, et vocabitur consiliarius, Deus fortis; cuius potestas et imperium permanebit in sempiternum* (Isai. IX, 7). Unigenitus itaque Patris ingeniti Christus secundum carnem ex semine David natus est, factus homo visibilis, cuius Pater Deus est invisibilis. Necessarium quidem erat humano generi, ut quem Pater ab initio invisibilem generat, virgo conciperet, virgo nobis visibilem produceret, et virgo post partum permaneret, essetque in Deo (forte a Deo) Christus ante omnia secula genitus sine muliere concubitu ex cœlesti Patre: et perfectus homo ex utero virginali nasceretur, absque carnali patre. In-

gregandi namque sanctus Spiritus virgineam publicitatem aulam, tam Christum, hominem factum ex ea fecit procreare, qui perdita restauraret, et omnium delicta relaxaret, qui innocens innocentem sanguinem suum pro redēptione humana fragilitatis effundebat, et per hominem visibilem Deus invisibilis unigenitum suum visibilem hominibus præsentaret. Itaque Jesus Christus secundum carnem natus et octava die circumcisus est. In cuius circumcitione carnis, quemadmodum circumcisio linem dedit, ita per baptismum Christi consecratio baptismatis exordium habuit. Ipsum enim aqua Jordanis abluedo non sanctificavit, sed easdem aquas Filius Dei ingrediendo purificavit. Igitur ut Pater per prophetas suos prædixerat, virgo concepit, et creatura creatorem suum terris edidit.

D Ipsum tertia die post passionem resurrexisse, et in cœlos ascendisse, videntibus apostolis, perhibens. De cuius gloriosa passione Paulus apostolus ad Philippienses scribens ait: *Qui cum in forma Dei esset, non rapinam arbitratus est esse se aequali Deo, sed semetipsum exinanivit formam servi accipiens, in similitudinem hominum factus, et habitu inventus ut homo: humiliavit semetipsum obediens usque ad mortem, mortem autem crucis* (Philip. 1). Nos ergo de Deo id sentientes non dicimus purum hominem, qui de Virgine Maria natus est, nec separatum alterum filium hominis, alterum Filium Dei prædicamus, ne aliam personam carnis, aliam Deitatis faciamus, sed in Verbo Dei et in carne unum Christum profitemur et credimus, et Filium uni-

genitum secundum naturam esse testamur et colimus. Id etiam palam aperimus, similiter Dei Verbum carnis et sanguinis exordium habuisse, et nostrum corpus suum specialiter fecisse, et perfectum hominem de virgine processisse, non tamen abjecta cœlesti Dicitate, ut illam generationem amitteret quam habebat ex æterno Patre. Hoc utique ratio catholicae fidei testatur. In hac religione sanctos Patres, et Dei electos milites verosque agonistas fuisse didicimus, qui veraciter matrem Domini nostri Jesu Christi virginem crediderunt: non quia Deitas naturaque Verbi in ipsa exordium acceperit, sed quod anima rationabili ex ejusdem virginis impolluta alvo illud sacramentissimum corpus Christi animatum natum sit, cui Dei Verbum adunatum substantialiter scimus esse natum carnaliter. Hinc de eo Paulus apostolus ad Thessalonenses scribens ait: *Ipsi enim de vobis annuntiant, qualem introitum habuerimus apud vos, et quomodo conversi estis ad Deum a simulacris, servire Deo vivo et vero, et expectare Filium ejus de cœlis, quem suscitavit, Jesum, qui eripuit nos a ventura ira.* Nos ergo sanctæ hujus fideli eultores, ac Christianæ legis sectatores profligemus secundum substantiam Dei Verbum carni unitum, unumque Christum Deum, eundemque hominem cum propria carne adorandum. Testamur vero corde, perhibemus pura mente, confitemur modesto ore, Filium Dei crucifixum carne, mortem pertulisse carne, factumque ex mortuis primogenitum, secundum quod in ipso permanet perfecta vita credentium, qui ut Deus, omnium vivificator est fidelium.

Hæc, dilectissimi, scribo, ut pax et concordia Ecclesiarum conservetur, et indissolubile charitatis vinculum permaneat, donaque divinæ largitatis non minuantur. Trinitatem in unitate veneramur et credimus Patrem Filiumque sic initio fuisse, ut procedentem ab utroque Paracletum constemus et colimus, non tres deos, sed unum tantummodo Deum: cui fideliter persolvamus debita, ut nobis relaxare nostra non dedignetur crimina Dominus ac Redemptor noster, qui tanta in servis suis miracula mirabilis operatur, et majora horum videbimus, adjuvante illo cuius majestas et pulchritudo, immarcescibilis gloria, virtus et honor inæstimabilis permanet in secula seculorum. Amen.

SERMO DE NATALI DOMINI.

Ecce nunc tempus acceptabile, ecce nunc dies salutis. Ecce in his diebus impletum cernimus quod voce Isaiae prophete dicitur: *Ecce virgo concipiet et pariet filium, et vocabitur nomen ejus Emmanuel.* Ecce virgo concepit absque virili semine, virgo parturivit absque aliqua carnis infestatione. Ejusdem enim filii nativitate humanæ plebis letitia augmentatur: cuius ortu inimicus nostræ substantiæ mœrore confunditur. Ille etenim adversarius noster, qui diluculo ut Lucifer oriebatur, qui in paradiso Dei deliciarum cibis deletabatur, cecidit de coelo et autem promeruit: *Si ut aquila exaltatus fueris, inde a Domino turpiter detrahendus.* Ille quidem inimicus humanæ substantiæ, qui

A dixerat se similem Altissimo, per superbiam elapsus, ruginis ut leo, querit quem devoret. Non querit hominem infidelem, non iracundum, non illos qui foris sunt, sed querit humilem, modestum, rationabilem, vel aliquem de Ecclesia Christi dejicere nititur. Iste invidus hominem de paradiſo Dei ejectum in hanc miseriam et convallem lacrymarum misit, et beatum Job a Deo longe facere voluit, nec potuit. Ipsi enim immaculato et simplici viro dicitur: *Virtus ejus in lumbis ejus, et potestas in umbilico ejus.* Igitur per primi hominis inobedientiam, in mundum intravit mors et miseria: per natalem vero secundi hominis ingressa est salus et lætitia. Stella solem dedit: Virgo Deum hominem absque homine; virga florem parturivit. Si Maria virgo non permansisset, non utique Filium Dei genuisset. O quam laudanda virginitas! Ait beatissimus Isaías: *Exiit virgo de radice Jesse, et flos de radice ejus ascendet* (Isai. xi, 1). Virgo mater est Christi, simplex, humilis et immaculata, nullo germine extrinsecus cohærente, et ad Dei imaginem secunda unione. Necessarium revera erat hominibus, ut virgo Dei Filium conciperet, Satanæ quidem molestum, nobis autem fructuosum. De illo flore quem virga Jesse protulit, scriptum est: *Ego flos campi et lily convallium.* Si virginitas virgini non prodesset, propheta Virginem de Virgine nasciturum non significasset. Optima tamen est continentia viduæ, melior autem castitas virginalis. Aliter autem lex Moysi data erat. Scriptum est enim: *Beatus quis habet semen in Sion.* Et *Maledicta sterilis quæ non parturit.* Et alibi: *Non erat in tribibus eorum infirmus.* In lege vero Domini nostri Jesu Christi dicitur: *Lætare sterilis: nec te lignum arbitreris aridum.* Habebis locum pro filiis et filiabus tuis in æternum. Nunc etiam qui infernus est, fortior efficitur, testante Apostolo, qui ait: *Libenter gloriabor in infirmitatibus meis, ut inhabet in me virtus Christi.* Igitur quia Christus ante omnia secula, ex æterno Patre genitus est, divinæ virtutis ineffabile sacramentum fuit. Quam vero ex virginе nobis visibilis, ut homo, apparuit, humanæ gratia salutis existit. Mors mundum ingressa est per Eavam; vita vero perdita restauratur per Mariam. Postquam eum Virgo in utero concepit, Virgo lumen quod illuminat omnem hominem venientem in hunc mundum parturivit: *Cujus principatus super humerum ejus, qui est Deus fortis, pater futuri seculi* (Isai. ix, 7). Maledictio adversus omne genus humanum proleta soluta fuit. Quis autem hoc divini consilii posset estimare secretum, quod Virgo in utero acciperet, Virgo Deum ante omnia a Patre genitum sine matre parturiret? Deusque invisibilis per hominem visibilem appareret, et conditione humanæ mortalitatis mortem suscipiens, nulla corporæ generationis lege conceptus de originali utero humana sub lege prodiret, ipsaque ejusdem Mater virgo incorrupta permaneret? Itaque Christus absque matre ante secula natus de invisibili patre, nec sibi, sed humano generi necessarium, sine carnali patre secundo nascitur ex visibili matre. Et quia periclitabamur per princeps mulieris inobedientiam, oportebat

ut salvaremur per feminam. Gaudeat genus huma-
num, Christus enim nascitur, et vilibus pannis obser-
tus in præsepi animalium ponitur. Vilitas quidem
pannorum magnum et inenarrabile est sacramentum.
Illa enim vilitas pannorum a magis adoratur, ipsique
puero in præsepio jacenti, et super angelicam crea-
turam regnanti, aurum, ihu et myrrha offertur. Aurum
debet regem, thuris oblatio magnum sacerdotem,
myrrha vero mortuorum sepulturam. Aurum quidem
significat Filium Dei ex Virgine natum, jam in terra
regnare. Thus vero suminum sacerdotem se pro nobis
hostiam Patri cœlesti offerre. Myrrha vero eudem
Virginis Filium pro salute humani generis sepeliri et
resurgere. Panni ergo quibus Virgo mater infantem cir-
cunligat, nostra scimus esse peccamina, dicente pro-
pheta: *Vere infirmitates nostras tutit, et peccata
nostra ipse portarit.* Per hos viles pannos manifestum
est ipsum nostra suscepisse delicta. Quo. autem pon-
tur in medio duorum animalium, inæstimabile est
Dei mysterium. Ecce impletum est quod voce Aba-
cuc prophetæ dicitur: *Domine, audivi auditum tuum,
et timui; consideravi opera tua et expari: in medio
duorum animalium.* Bene autem Filius hominis inter
vilia ponitur animalia. Ipse est enim vita hominum,
pastus angelorum, et pabulum jumentorum. Oportebat
ergo ut ille qui erat panis vivus, inter duo ani-
malia in cunis vagiens mitteretur. Ipse est enim qui
ait: *Ego sum panis vivus, qui de cælo descendit.* Ipse
est Agnus mundus, cuius illibatum corpus postquam
a sacerdote fuerit atrectatum, et ab omni fidei po-
pulo coonestum, permanet illæsum et inconsuptionum.
Postquam ergo impletum est quod de partu Virginis
prophetæ prodiderunt, et patriarchæ præconati sunt,
omniaque completa quæ per Gabrielem angelum de
Christo oportebat fieri, competens fuit ut novus
homo procedens de homine mundus, virgo exutus de
virgine, novam sibi acquireret familiam: ut qui in
cœlo adorabatur ab angelis, angelos etiam sibi insti-
tueret in terris. Deinde baptizari voluit a Joanne,
rex a milite, Dominus a servo. Non quod aliqua
commisisset facinora, sed ut nostra per ejus bat-
tismum delerentur peccamina. Ipsum enim aqua non
mundavit, sed eam ingressu suo, qui baptizabat in
Spiritu et veritate, benedixit. Deinde populo annun-
tiatis verbum vitæ et veritatis quosdam fert esse di-
scipulos, alias autem evangelistas. Geminini nanque
fratres, id est Jacobus et Joannes, relicto patre suo
Zebedæo et navi, Salvatorem sequentes curam fami-
lie et affectum sanguinis unanimiter postponentes
reliquerunt. Post hæc multi alii discipuli, quibus a
Domino Iesu dictum est: *Si quis vult post me venire
abneget semetipsum, et tollat crucem suam, et sequatur
me.* Sic enim Scriptura continet divina. Nemo miles
cum uxore pergit ad prælium. Si quis vult sequi ve-
stigia Redemptoris, omnia relinquat, neque post
tergum, quemadmodum uxor Loth perspexit, respi-
ciat: *Nemo enim mittens manum ad aratum, et re-
spiciens retro, aptus est regno Dei.* Si quis vero ha-
bet unde animam suam a fraude inimici redimere

A possit, pauperes nutriat, hospitalitatem sectetur, nu-
dum vel vili vestimento cooperiat. Cum autem
Christus de terris ad cœlos ascendere, de inferno ad
superiora transire vellet, ut discipulis suis longe ante
prædixerat, mortem pertulit, ut mortuos peccato li-
beraret. Prædicavit, ut viam salutis nobis ostenderet.
Resurrexit, ut viviscatos vivere faceret. Cujus,
carissimi, nos sequentes vestigia non placeamus
nebismetipsis, sed Deo et proximo. Sic enim Jésus
cum pacem annuntiaret populo, discipulis ait: *Non
veni facere voluntatem meam, sed illius qui misit
me.* Cum enim Filius hominis voluntatem Dei adimpleret,
Judæi dicebant illum peccare in Deum, qui
potius Filium non recipiendo quem miserat, l'atreu
exprobaverunt, et ideo Filium Dei qui nil commi-
serat, crucis patibulo sine causa affixerunt. Peccata
ergo peccantium ceciderunt super Christum, qui in-
nocens inventus quasi blasphemus occisus est. Dein-
de victor Dominus Jesus expolians loca tenebrarum,
tertia die resurrexit, et in cœlos unde descenderat
feliciter ascendit. Quomodo autem humanitas ascen-
dit, nisi quia Deitas prius descendit in inferiores
partes terræ, ut humane uniretur naturæ? Descendit
enim cœlestis Deitas, ut ascenderet Redemptoris hu-
manitas. Ipse est una ead mque persona. Semper
enim in Patre, semper a, ud Patrem, semper fuit cum
Patre. Post ascensionem quoque humanitatis Spir-
itum sanctum in igneis linguis apparentem discipulis
misit. Spiritus quidem Filii virtus est, quæ de illo
exibat, et sanabat omnes. Dicitur tamen a Patre pro-
cedere, et ad ipsum referri solet: de quo et ipse est,
et quod ipsius est. Ipse namque Christus perhibet,
dicens: *Mea doctrina non est mea, sed ejus qui misit
me.* A Patre enim habet Filius ut si Deus. Est enim de
Deo, Deus. Ab illo habet ut de ipso procedat Spiritus
sanctus. Igitur, fratres carissimi, debita veneratione
frequentemus adventum Domini nostri Iesu Christi.
Fugiamus superbiam, ne in infernum obruamur, ut
mali angeli. Superbia enim homo inflatur, avaritia
quatitur, ambitione delectatur. Nolite de divitiis
secularibus gloriari; nolite aliis præferri, ne cogita-
tio mala subrepatur; et qui nunc auratas vestes con-
cupiscitis hactenus sedere in sordibus placeat, ut et
vos Christo placeatis: cui est honor cum Patre invi-
sibili per omnia secula seculorum. Amen.

SERMO IN ANNUNTIATIONIS FESTUM.

De tripartita solemnitate beatissimæ Virginis Ma-
ris, fratres carissimi, in qua angelus annuntiat,
Virgo concipit, unigenitus ingeniti Filius carne vesti-
tur, pauca dicenda sunt, quamvis multimoda laude
dignus sit qui nuntiat, dignior quæ per aurem conci-
pit: dignissimus autem qui nuntiat, dignior quæ per
aurem concipit; dignissimus autem ille qui concipi-
tur. Hæc est dies salutifera, debita veneratione a no-
bis celebranda, quæ terrena cœlestibus conciliat:
in qua ad nos Redemptoris divinitas descendit, ut ad
cœlos nostra condescenderet huinanitas. Hæc est illa
solemnis dies quæ ab angelo sumit exordium, qua-
liter Virginem de Virgine nasciturum nuntiavit, qua-

liter Virginem virtus Altissimi obumbravit, qualiter inconcretabilis Deus dignatus est conrectari, qui est aeternum lumen quod illuminat omnem hominem venientem in hunc mundum. Hæc est dies solemnis que nos de terris ad superna extollit et elevat, ac super cœlos celorum honorifice sublimat, ut vobis presens sermo declarabit. Ejecto siquidem primo homine per lignum scientiae a Domino vetitum et incongrue gustatum, fallacia dæmonum homines per illecebras vitiorum errantes decepit, decipiendo caplivavit, et captivando in tenebras exteriores demersit. Ibi fletus et stridor dentium auditur, testante Domino. Cum enim gloria diaboli excitasset ambitionem, ambitio provocasset invidiam, genus humana num de terris ad cœlos transferri dolebat. Nam quia miserabiliter deciderat, solatium sue misericordie sibi per hoc inferebat. Considerans igitur Pater perditatem humani generis per serpentis fallaciam, mundum liberare dignatus est per unigeniti Filii sui incarnationem, ut quoniam femina per exhortationem dæmonis ejecta erat de sedibus paradisi, per salutationem angelii gloriam mereretur excipere immortalitatis. Decepit Evans exhortatio inimici, confortavit Mariam salutatio Gabrielis. Nuntiat angelus ut fallacia diaboli destruator: obumbratur Virgo virtute Altissimi, nuntiante angelo, ut femina reparetur jam dudum cepta a Satane nuntio. Incorruptibilis Deus carne vesitur et descendit, ut per hanc secundum hominem Jesum ascenderet vetus bonus, qui, fructu incongrue gustato, ad hanc miseriam et convalem lacrymarum devenit. Legitur namque quod cum mulier decepisset virum suum, dictum sit ei a Domino: *In dolore paries filios, et ad virum conversio tua, et ipse dominabitur tui.* Hæc tria incommoda patiuntur, quæcumque Mariæ virginitatem non imitantur: ac si ei Dominus diceret: Quando ad virum conversio tua erit, servituti illius subjiceris; cum autem parturies, doloris et tristitiae detrimenta patieris. Hæc autem tria excluduntur a felicitate Virginis Marie, et non tantum ab ipsa Virgine, sed ab omnibus quæcumque suam Christo devoverint virginitatem. Venite igitur, virgines, quæ Virgini virginitatem vovetis, vovete Virginis corporis integritatem, quæ Domino illibatam exhibuit castitatem. Quanti ergo meriti eadem Virgo fuerit, audite. Non enim tantum meruit allocutione angelica visitari, sed intra claustra virginalis uteri illum comprehendere qui nullo modo poterat comprehendendi. Mater nostra Eva tribus malis aggravatur, beata vero Maria ab his excluditur, et tripartita felicitate lactatur. Salutatione etenim angelica confortatur, confortata benedicitur, et plenitudine gratiae secunda esse nuntiatur. Sic enim scriptum est: *Mensus est angelus ad virginem.* Hanc esse virginem constemur, de qua in Isaia legitur: *Exiit virga de radice Jesse (id est, Virgo Maria), et flos de radice ejus ascendet, id est Christus.* Ipse enim in Canticis Cantorum perhibet dicens: *Ego flos campi. Et ingressus ad eam dixi: Ave, gratia plena, Dominus tecum.* *Benedictus tu in mulieribus, et benedictus fructus ven-*

oris tui. O vocem angelicam plenam suavitatis et letitiae! Cum enim dixit, *Ave, Maria,* salutationem cœlestem Virginis exhibuit. Cum autem dixit, *Gratia plena,* ostendit exclusam esse illam sententiam, per quam primi parentes longe a Deo facti sunt, et restitutam supernæ benedictionis gratiam, per quam liberati a servitute intra paradisum introducti sunt. Cum autem protulit: *Benedictus tu in mulieribus, et benedictus fructus ventris tui,* non tantum fructum ventris ejus benedictum expressit, sed omnium quæcumque sequentes Mariam Virginem in virginitate permanerint. O Virgo benedicta, o Virgo a Condитore mundi perelecta! illum qui ante omnia secula genitus est, absque matre ab aeterno Patre, concipies, mater effecta absque alicujus viri copulatione. Ibi enim auricula uxor fuit, angelicus autem sermo maritus exstitit. Virgo concipies, et post partum virgo permanebis, et Filius Dei in te descendet, ut qui ascensurus erat cum sublimitatis potentia et claritatis sue gloria ad Orientem, convertat gratiam maiestatis sue ad Occidentem. Non te confundat auditus, non perturbet conceptus. Non est enim iste conceptus necessitas, sed Dei inestimabilis potestas. Vestietur carne, et in tuo virginali utero se recondet, et Filius Dei filius hominis esse incipiet, permanens semper quod erat. Incommutabilem namque illum credimus, sed misericorditer assumens quod non erat, ut in te comprehendi possit, quem totus orbis bajulare non potuit. Per hunc conceptum non minorabitur virginalis castitas, sed magis in te ampliabitur castitatis integritas. Mater Conditoris facta es, cum ipse esset apud Patrem: et cum nasceretur ex te Matre mansit apud latrem. Semper enim cum Patre, quia absque principio, non habet initium temporale. Semper enim cum Patre, qui permanet absque initio et fine. Facta es scala coelestis, virga Aaron præ ceteris floristi, id est præ ceteris virginitate digna splenduisti. Facta es scala in quam gloria coelestis descendit ad inferiora, quatenus humilitas ad cœli subvehetur altiora. O nova et inaudita conjunctio! O ineffabilis et miranda permisio! Qui enim omnia ex nihilo creaverat, creatur; qui capi non poterat, comprehenditur; qui omnes divitiis affluentes facit, pauper efficitur; Christus, qui perfectus est, evanescari dignatur. Dicitur enim se evacuasse a forma Deitatis in tempore, ut ditaremur ejusdem cœlesti perfectione. Ergo, fratres carissimi, Virginem deinceps ut hominibus Deum conciliet, et terrena coelestibus concordeat. Interveniat pro præteritis, exorans Filium pro futuris. O Virgo, da non tantum cibum corporalem, sed angelorum panem intra tui uteri claustra descendenter, fac ut timeamus Filium Dei. *Initium enim sapientiae timor Domini.* Si enim quis timet Dominum, uandata ipsius custodiet: deinde carnalis purgatio sequetur, ut divini luminis radios considerare valeamus. Postquam enim carnalis purgatio nobis dabatur, illuminatio cordis nostri sequetur. Audi itaque, et inclina aurem ad preces nostras. O Virgo, quæ merito a nobis laudaris, quæ

post partum virgo permanens a nobis veneraris, ora pro nobis Deum, ut praebat constantiam, largiatur patientiam: ut concordia firmetur, tolerantia augeatur, ut cum venerit dolor mœroris et misericordiae, calamitatis et tristitiae, nos Filio tuo unigenito digneris presentare, qui est unus Deus: quem in substantia unum, in personis trium constitutus; qui in omnes, et super omnes, et in omnibus nobis; qui ex parte exquiritur, ex parte autem cognoscitur: qui non vult mortem peccatoris, sed ut a via sua mala convertatur. Ora, ut perfectum lumen efficiamur; ut collaudemus te in gloria Filii tui: cui est honor et potestas, per omnia secula seculorum. Amen.

ORATIO BEATI ELEUTHERII

ANIMAM AGENTIS AD DEUM PRO FIDE ET ECCLESIA
TORNACENSI.

Catholica fides non tres deos, sed unum Deum credit et confitetur, adorat et veneratur. Unitas permanet in Trinitate: perfecta Trinitas consistit in unitate. Deus verus, idem D. N. Jesus Christus, de Patre vero secundum divinitatem natus est; juxta humanitatem vero de virgine illibata genitus est. Ab utroque Spiritus sanctus, qui corda incredulorum ad agnitionem veritatis converti faciat, procedit. Filius par Patri ingenito, Spiritus sanctus aequalis Filio ejusdem unigenito; Filius æternum lumen de æterno lumine processit: lucerna indeficiens ab illa invisibili claritate effusus, cum Virgo Maria æterni Judicis Mater prænuntiata de Spiritu sancto concepit, et Virgo in castitate permanens Dei Filium terris edidit, et post admirabilem partum in virginitate consitens Christum Jesum divino lacte nutritivit. O sancta illa prænuntiatio angelica! Misiuit angelus Gabriel ad Virginem mysticæ rei nesciam. Mater Redemptoris ancilke assimilatur, cum ab illa angelo respondeatur; ait enim: *Ecce ancilla Domini, fiat mihi secundum verbum tuum.* Igitur Filius Dei caro factus, ut sermo angelii adimpleretur, de glorijs Vrgine nascitur divina inspiratione: in præsepe jacitur, deinde pastoribus ab angelo nuntiatur. Omnia regit regnans in celo, parvulusque Dei Filius jacet in præsepio. A matre virgine nutritur, et a magis cum muneribus adoratur. Qui ut humilitatem potentiae, et magnificientiam divinitatis suæ nobis ostenderet, omnia. ut homo absque crimine, dignatus est possidere. Peccatum non habuit, mortem pertulit, et nobis morte sua vitam immortalis exhibuit. O mira unigeniti Dei nativitas! O miranda filii hominis prædicatio! O inaudita tanti juvenis sapientia! Prodierebat in synagogis Filius Dei, omnesque scribas et legis doctores per Spiritum sanctum convincit: non tamen ei aliquam secundum quod Filius Dei est, eodem Spiritu inferente virtutem. Filius enim qui æternus Patri coeterus est, nunquam alterius auxilio eguit, quia perfectus est, et in secula seculorum benedictus. Sapientes sapientiam mundo inauditam admirantur. Quam ob causam Filium hominis Iudei a Juda impij et sceleratissimo traditore traditum flagellant, et opprobriis insequuntur. Itaque Christus Jesus,

A qui propter salutem humanæ fragilitatis ad extinctionem spontaneam se inclinavit, obtulit quidem proprium corpus, non pro se, sed pro nostra redemptione, æterno Patri hostiam veram, hostiam Deo placentem in odorem suavitatis. Quo enim sacrificio vel oblatione egeret, cum liber ab omni peccato, ut Deus, existaret. Quod si omnes peccaverunt, et egerint gratia Dei, peccatis namque et malis facinoribus humana ægrotavit natura: ipse vero non ita, licet servi imaginem acceperit, et mortem spontanea voluntate suæ ceperit. De Patre D. N. Jesu Christi sentiebat David propheta cum dicebat: *Redde mihi lætiitiam salutaris tui, et spiritu principali confirma me* (*Psal. L.*). Pater enim principium omnium est, cum quo omnia Filius fecit, Rex regum, pater universitatis, et reformator sæculi labentis. Inter hæc verba sancti viri dolor vulnerum atque animi ipsum duriter coactabat. Qui faceret? Imminere obitus sui diem videbat, et ecclesias quas intra muros construxerat lapsuras esse sciebat. Itaque cum fletu conversus oravit dicens:

Omnipotens, clementissime Deus, qui in tribus sanctis patriarchis tuis, Abraham videlicet, Isaac et Jacob, voluisti trina invocatione gloriosum nomen tuum invocari, ut per unigenitum Filium tuum Jesum catholice fidei cultores eximii agnoscerent, et perfectlye crederent, quod in Trinitate perfecta Deus sis Pater ingenitus, aequalis Filio unigenito, atque compar S. Iritui sancto: Pater verus, qui Filium verum ante mundi constitutionem et ante rerum stabilitatem genuisti, qui Spiritum sanctum ex te procedentem de cœlis ut corda discipulorum tuorum corroboraret, et nomen Christi hominibus clarificaret, transmisisti: cuius vera Trinitas consistit in unitate, una Deitas permanet in Trinitate, par Filio, aequalis Spiritui sancto. Nihil enim majus tibi, nihil minus alteri. Es enim idem ubique Deus, ubique tua maiestas, tuum imperium, tua potentia, qui omnia ex nihilo per Unigenitum tuum formasti: qui descendens in uterum incontaminatae Virginis formam servitutis nostræ dignatus es accipere, et perfectus Deus perfectum hominem induere, ut hominibus subveniret factus caro, et non credentes ad viam veritatis converteret, incarnatus homo. Qui post partum Virginis puer collocatus in cunabulis humilitatem conditionis sibi net exhibuit: qui pastoribus vigilibus, magisque Æthiopæ stella præcente ostensus est ab angelis gaudientibus: qui tentationes diaboli et pro nobis opprobria catenaque tormenta sustinuit, ut nos a laqueis visibilium et invisibilium hostium liberaret, nostrorumque criminum inaculas detergeret, crucis patibulum pertulit, ut nos ad gloriam cœlestis curire, quam per Adam perdidimus. renovaret; et filius hominis incarnatus est, ut filios hominum filios Dei cœlestiumque bonorum participes faceret: Tibi supplico, qui auctor nostræ resurrectionis exstitisti, ut nobis introitum cœlestem aperires, et imperium diaboli captivares, et ascendens in cœlum admirabili virtute tua captivitatem nostram duceres captivam: qui morte

tua mortuis vitam, et captivatis reddidisti medelam. Te clementer invoco, te misericorditer appello, ut Tornacenses Ecclesias, quantum potui mea parvitate sublimatas, et omnia habitacula sanctorum ab omni inquietatione dæmonum eonserves et defendas, sublimes et extollas. Oves meas pauculas præsentes et subsecuturas, usque in ultimam generationem custodias: ut sciant quia mitis es, Pater misericordia et pietatis; dator scientiae et veritatis. Illis autem qui me indignum famulum tuum usque ad mortem gladiis et fustibus inseculi sunt, benigne indulge, meque cum sanctis tuis in horreum tuum digneris congregare. Illis etiam, piissime Deus, qui memoriam meam devote coluerint, largire fidem, confer amicitiam, clementissime Deus, qualiter pro fide catholica, pro religione Christiana delectari, clementia tua non ignorat. *Omnia siquidem nuda et aperta sunt oculis tuis.* Ecce nunc tempus resolutionis mee appropinquat.

AElcerne Deus, quid faciam? Mille me ut sequar David dicentem: *Sicut cervus desiderat ad fontes aquarum, ita desiderat anima mea ad te, Deus.* Et iterum ait: *Sicut anima mea ad Deum vivum: quando reniam, et apparebo ante faciem Dei?* Si potest fieri, permitte me assimilari B. Job, dicenti: *Comparatus sum luto et assimilatus sum farilla et cineri.* In te confido, Deus meus, te quero, te videre desidero, quem semper in terris positus colui: cui me tota dilectione devovi, libera me, qui es benedictus in secula seculorum.

Et mox, iterum prorumpens in laudes Dei, ait: *Filiū illum esse perhibet fides catholica, cni per prophetam clamat Pater, et dicit: Filius meus es tu, ego hodie genui te.* Et iterum: *Tecum principium in die virtutis tuae in splendoribus sanctorum, ex utero ante luciferum genui te.* Ipse est Jesus Christus Dominus noster Patri æqualis invisibilis, procedens de invisibili, alterius de æterno, immortalis de immortali: qui naturam humanitatis nostræ juxta subsistentiam sibimet uniens ex ipsa corporea et virginali alvo sustinuit nativitatem. Non quod necessario gloriosa illa nativitate eguerit, sed ut ipsas nostræ substantiae sanctificaret primitias: quatenus etiam dum Christus carne unitus a benedicta Virgine Maria processisset; illa tam misera maledictio, que adversus omne genus humanum prolata fuerat, cessaret, nec ulterius animas et mortalia corpora morti destinaret, atque ut verum esse monstraret, quod voce prophetæ predixerat: *Absorptia est mors in victoria.* Et alibi: *Abstulit Deus omnem lacrymam ab omni facie:* ipse est Christus filius Virginis Mariæ, qui surdis auditum, cœcis visum restituit; siccis pedibus mare deambulavit, dæmonia effugavit, ventos et maria placavit,

Amandavit leprosos, curavit paralyticos, mortuos suscitavit, Judeisque dicebat incredulis: *Si verbis meis non creditis, saltem virtutibus et miraculis credere debetis.* Unus est in Christo Filius Dei, qui sicut in veritate Filius Dei est invisibilis, ita in veritate Christus est visibilis. Induit etenim hominem perfectum Deus perfectus, ut exhiberet perfectam salutem hominibus. Et de Spiritu sancto audiamus prophetam orantem et dicentem: *Spiritum sanctum tuum ne auferas a me.* Temeritatis quidem magnæ est separare Filium a Patre, Patrem a Filio: Spiritum sanctum quasi non procedentem ab utroque. Inseparabilis enim Deus et inconvertibilis et impassibilis est. Filius, ut supra dictum est, æqualis Patri: Spiritus sanctus nec superior, nec melior ipso est, sed par Patri, æqualis Filio, procedens ab utroque: Spiritum sanctum omnipotens Deus misit in mundum, ut Filium suum clariscaret ingenitus unigenitum. Quia vero Christus Filius Dei humana miracula faciebat, leprosos curabat, mortuos suscitabat, et cætera mundo inaudita, et ad demonstrationem Deitatis, virtute proprii Spiritus utebatur, ab ipso glorificari dicebatur. Verumtamen non est idoneum affirmare, quod D. N. Jesus Christus sit a Spiritu sancto clariscatus, ut pote qui per eum aliena virtute usus fuerit, et per eumdem Spiritum virtutem contra immundos spiritus assumpserit; sed potius debemus consideri ejusdem Spiritum per quem tam proclara miracula fecit. Affirmare etiam convenit omni credenti, illum oblationem vel sacrificium non pro se, sed pro redemptione humani generis obtulisse Patri, cum nulla oblatione eguerit, qui peccatum incontaminatus ne scierit. Propterea credit et affirmet fides catholica vivificatricem et propriam ipsius Verbi carnem esse factam. Vita enim naturaliter, ut Deus existens, quia proprie carni unitus est, vivificatricem eam professus est. Quia vero dicit: *Amen amen dico vobis, nisi manducaveritis carnem Filiū hominis, et biberitis ejus sanguinem, non habebitis vitam æternam:* non tamen eam ut unius hominis debemus existimare. Juxta naturam enim suam quomodo posset esse vivificantrix caro unius hominis? Fugiat infelix Judæus: destruatur qui nativitatem Christi denegat hereticus. Collaudant Deum in personis trinum, in subsistentia vero unum Deum fideles: quem miseri in ira exspectant penitentibus dati, quorum consortio gaudent mali angelii, justi autem exspectant pro remuneratione labrum, quorum collegio Dei gratulantur angeli, adjuvante illo cuius beneficia prestantur infirmis, per quem gaudium datur afflictis: cui sit decus, imperium, potentia, cum Patre ingenito et Spiritu sancto per infinita secula seculorum. Amen.

D